

Tito Brandsma

Carmelita no Martir

EUKARISTIA


Anno Brandsma moris iha rai-Olanda nia provinsia ida naran Friesland iha 1881. Nia sai membru Orden Carmelita iha 1898 no foti nia aman nia naran, Titus, nu'udar ninia naran relijiozu. Nia halo Profesaun Primeiru iha fulan Outobru 1899 no ordena nu'udar padre iha loron 17 Juñu 1905. Nu'udar ema akadémiku ida, Titus nia área espesialista mak filozofia no misticismo. Nia ajuda estabelese Universidade Katóliku Nijmegan iha 1923, depois kaer papel nu'udar Reitor Magnífico.

Iha tinan sira antes Segunda Guerra Mundial, Titus hato'o kritika públiku kona-ba ideolojia Nazi nian. Durante okupasaun Olanda, nia defende liberdade de imprensa, liu-liu imprensa Katóliku nian. Titus mak kaptura tiha iha fulan Janeiru 1942 no haruka ba Campo de Concentração Dachau, iha ne'ebé sira oho nia liuhusi uza injesaun letal iha loron 26 Jullu 1942. Nia simu beatifikasiasaun iha 1985. Titus mak sei simu kanonizaun nu'udar martir iha loron 15 Meiu 2022.

Carmel nia Moris Eukaristia

Eukaristia kaer importansia sentrál iha moris Kristian nian, nune'e Ita la hakfordak atu hetan Eukaristia iha moris Carmelita nia klaran husi tempu uluk kedes. Carmelita primeiru sira harii ortoniu iha sira-nia selo klaran iha Monte Carmel atu fasilita orasaun hamutuk no selebrasaun Eukaristia hamutuk.

Espasu sagradu ida-ne'e mak sai pontu fokal hodi hasoru malu no hasoru Na'i. To'o tempu reforma Amu Papa Pius X nian iha serkulu-20 nia inisu, la komún atu simu Komuñaun loron-loron. Maibé, foti inspirasaun husi *Regra Carmel*, simu Sacramentu loron-loron mak baibain ona iha komúnidade Carmelita nian antes periodu ne'e, no sai buat ida-ne'ebe konsistente iha Titus Brandsma nia moris no espirituálidade, ne'ebe sai membru iha Orden Carmelita iha 1898 iha Boxmeer, rai-Olanda, vila ida ne'ebe iha asosiasaun kleur ho devosaun ba Eukaristia.



▲ Window of Titus before the Blessed Sacrament, in the Priory Chapel, Houston - courtesy of the Province of the Most Pure Heart of Mary (PCM).

Hahan ba Jornada

Titus iha fier forte katak ita-nia moris espirituál, hanesan mós ita-nia moris fiziku, mak presiza hahan. Nia haree iha Elijah, Profeta Carmel nian, modelu moris Carmelita nian. Hanesan Elijah mak sustenta iha ninia jornada iha rai fuik maran ba Monte Horeb liuhusi simu hahan milagre nian husi lalahlen, Ita mós hetan forsa husi premiu Eukaristia bainhira ita 'la'o jornada moris nian iha rai.' Titus hetan dadur tanba nia la ta'uk defende imprensa Katóliku nia liberdade no direitus umanus baziku iha rai-Olanda ne'ebe hetan okupasaun husi Nazi sira, 'la'o ho forsa husi paun sagradu' mak ikus liu sai teste ba Titus entre fulan Janeiru no fulan Jully iha tinan 1942 bainhira nia tuir ninia 'dalan kruz' rasik to'o tama iha kampu konsentrasaun Dachau.

'Iha Benditu Sakramentu, Na'i fó Nia An mai ita dala ida tan, no la'os Nia mesak de'it nu'udar Ema Segundu iha Santissima Trindade,iae, Nia fó hatene Ita katak Ema na'in tolu kedes mak atu foti sira-nia pozisaun iha ita-nia fuan laran, se ita iha unidade hamutuk ho Nia.'

- Titus Brandsma

◀ The cell of Titus Brandsma at Scheveningen Concentration Camp

Komuñaun Frekuente

Titus nia fiar relasiona ho importansia selebra Eukarista ho frekuente mak konfirma bainhira nia lee liafan husi Santo Carmelita nian hanesan Mary Magdalene de'Pazzi no Teresa husi Avila. Titus mós esplika tan importansia simu Komuñaun loron-loron bainhira aprezenta moris no mensajen Santo Lidwina husi Schiedam, ne'ebe santo nasional ida husi rai-Olanda.

Orasaun depois de Komuñaun

Konsistente ho aspeitu xave seluk iha tradisaun Carmelita nian, Titus tau emfaze ba importansia atu foti tempu hodi halo orasaun hafoin simu Komuñaun. Ida-ne'e mak momentu kontemplativu looloos bainhira, hafoin simu Na'i iha ita-nia laran, Ita buka atu nakloke ita-nia an ba Nia halo buat ne'ebe di'ak loos iha ita-nia laran. Titus halo ligasaun entre orasaun hafoin Komuñaun no figura Elijah: *'Iha Horeb nia fatuk-kuak sira Maromak ko'alia ba Profeta liuhusi lian iha anin neineik. Na'i la'os iha udan-anin laran no la'os iha rai-nakdoko laran, maibé iha anin neineik. Nune'e, hafoin Komuñaun ita tenke kontempla iha espesie Eukaristikika nomos iha espiritu nia klaran; tanba agora Maromak mai.'*

Komuñaun Espirituál

Santa Teresa husi Avila dalabarak rekomenda akta Komuñaun espirituál bainhira simu sakramantu la posivel. Karik iha tempu uluk Titus la rekonese katak ida-ne'e atu sai importante tebes iha ninia moris, hanesan mós lee-na'in ne'ebe lee liafan Santa Teresa iha ita-nia tempu agora la rekonese kata Komuñaun espirituál bele sai importante tebes iha tempu pandemiku nia laran. Enkuantu Titus bele simu Komuñaun iha Dachau (inklui mós iha loron ne'ebe nia mate), iha mós tempu bainhira ne'e la posivel. Bainhira labele selebra Misa iha prizaun Scheveningen, Titus deskreve situasaun ne'e hodi dehan *'dadeer-dadeer ha'u hakne'ak no hatete sai orasaun Misa loron-loron nian, Komuñaun espirituál.'* Iha kampu Amersfoort nian, Titus lidera akta komunal kona-ba Komuñaun espirituál hamutuk ho ninia maluk prizoneiru sira.

Eukaristia no Kontemplasaun

Titus Brandsma nia lisau espirituál ida ne'ebe repete beibeik mak katak *'moris kontemplativu no mistiku mak fuan husi moris Eukaristia.'* Eukaristia mak buat ida ne'ebe haforsa Ita atu simu prezenta kontemplasaun husi Maromak. No kontemplasaun hanesan ne'e mak lori Ita ba foti asaun. Titus fó hatene grupu joventude ida: *'Hahalok di'ak la suficiente ona; hahalok sira tenke mai husi konsiensia katak ita-nia uniaun ho Maromak mak obriga ita atu halo buat ne'e.'*



Adoro Te

In his prison cell at Scheveningen, Titus prayed the well-known hymn *Adoro Te* after lunch. In his account of his time in prison, 'My Cell', he tells us about this: *'The Adoro Te has become my favourite prayer. Frequently I sing it softly and this helps me to make a spiritual communion.'*

The first and last verses read as follows:

I devoutly worship Thee, Hidden Godhead,
Who among these signs are truly hidden.

O may I behold Thee with unveiled face
and taste the happiness to see Your glory.

▼ Full Habit, 22 years old



The Carmelites
Australia & Timor-Leste
PRAYER • COMMUNITY • SERVICE

For further information on Titus Brandsma please visit:
carmelites.org.au/titusbrandsma

@CarmelitesAET